

兩  
浙  
名  
賢  
錄

兩浙名賢外錄卷之八目次

空空

元

妙高

妙原

元熙

文明

行端

懷實

了万

宏濟

時習

間禪師

懷則

大證

明本

晦機

普岩

元長

祖如

慧日

覺慶

希陵

世愚

行輦

慧照

松隱茂

守貴

士璋

洪傳附

慧炬

得喜

清珙

盛勤

以假

行元

祖銘

明

懷信

万金

了真

曇聖

白雲禪師

梵琦

祖闡

慧明

輔良

祖鐙

慧曇

智順

自緣

普仁

智及

惟則

懷渭

大同

法衡

元澣

悟光

克諧

溥洽

若愚

文沼

景隆

季善

雪庭

成權

正虛

潘頭陀

智明

至剛

普明

佛進

寶安

道涓

普智

宋觿

祿宏

如榮

如通

如清

廣如

廣槐

廣承

詩僧附

唐

靈一

皎然

靈徹

道標

宗亮

貫霜棲悟不吟附

高閑

鑒宗附

五代

希覺

無作

貫休

墨域附

警光

從瓊智宗附

宋

居簡

仲休

仲皎

智圓

道潛

惠勤

守璋

元

居昱

本覺

明

一覺

大訢 復見心辨

如筏

弘道

守仁

德祥



圖詮

心齋

弘闡

法聚

斯學

兩浙名賢外錄目次卷之八終

兩浙名賢外錄卷之八

東海徐象梅仲和氏謨

海鹽大原道岍閱

空空

元

妙高

妙高福州之長溪人家世業儒母阮夢池上嬰兒含瓜  
坐蓮華心手捧得之覺而生高因名夢池神采秀繼嗜  
書力學尤耽釋典固請學出世法依吳中雲夢澤公受

具後鏡。意水道首。衆知絕。次見無準。後之育王。見偃溪。入室。掌藏。鑰。一日。溪舉譬如牛。過窓榜頭角。四蹄都過了。因甚。尾巴過不得。高豁然有省。荅曰。鯨吞海水盡。露出珊瑚枝。溪可之。出世大蘆。遂爲嫡嗣。遷勸忠。再遷何山。雲衲四來。尋奉詔住蔣山。歷十有三載。衆踰五千指。德祐乙亥。寺被兵。軍士有迫高求金者。以刃擬高。高延頸曰。要殺卽殺。吾頭非汝礪刃處。鮮色了無怖畏。軍士感動。擲刃而去。伯顏丞相見而加敬。施牛百頭。齋糧一千斛。寺賴以濟。至元庚辰。遷徑山。寺被火。高悉心興建。

不十年還舊觀。無何而有潛暖。禪宗者高歎曰。此宗門  
大事。吾當忍死爭之。遂趨京。有旨集諸宗徒。廷辯上問。  
禪以何爲宗。高奏淨智妙圓。體本空寂。非見聞覺知思  
慮分別所能到。宜問再三。高歷舉西天東土諸祖。以至  
德山臨濟棒喝因緣。大抵禪是正法眼藏。涅槃妙心。趨  
最上乘。孰有過於禪。詞指明顯。餘二千言。又宣進榻前。  
與諸者反覆論難。諸者辭屈。上大悅。禪宗按堵如故。陞  
辭南歸。示衆云。我本深藏巖竇。隱遯過時。不謂日照天  
臨。難逃至化。無何而徑山復災。高謂衆曰。吾夙負此山。

債耳遂竭力再爲營建。匪殿坡爲池以厭火災。他屋以次落成。癸巳六月十七日。書偈而逝。壽七十五。臘五十九。塋於寺之西麓。

原妙

原妙號高峰。吳江人。出家淨慈寺。立三年。死。限學禪年二十二。請益斷橋。倫倫令參。生從何來。死從何去。話於是脇不至席口。體俱忘。或如廁。惟中單而出。或發函。忘扇。鑰而去。時雪巖寓北磻塔。欣然懷香往扣之。方問訊。卽打出。閉門再往。始得就近。欽忽然罵曰。阿誰與你拖。

箇死屍來聲未絕卽打如是者不知其幾妙禮扣愈虔  
忽觀五祖演和尚眞讚云百年三萬六千朝反元來  
是遮漢。葛然打破拖死屍之疑。明日請飲。又曰。阿誰與  
你拖箇死屍來。拈棒便打。妙喟住曰。今日却打某不得。  
拂袖便出。欽更問萬法歸一一歸何處。妙云。狗。舐。熱。油。  
錯。是機鋒。不讓。遂登天目山。師子峰。結廬以居。弘悟  
普度名冠元世。

元熙

元熙豫章人。姓唐氏。世業儒。西山明覺明公乃熙之族。

叔父也。聚其宗族子弟教以世典。熙與兄元齡俱從進士業。元齡既登第。熙年十九。遂從明公視髮。將遊方。其母憐之。私具白金爲裝。熙曰。財足喪志。卽善辭母。不持一錢以行。至吳。一時名宿皆欲出已門下。不顧也。聞物初覩。開化玉几。往依之物。初與語。大驚異。留侍左右。朝夕容扣。盡發其秘。字之曰晦機。後至錢塘。謁東吳顏於南屏。延熙掌記。至元中。楊璉真珈奉旨取育王舍利塔。進入供養。乃親詣熙求記述舍利始末。因招與俱。熙辭曰。我有老母。亂後存亡不可知。遂歸江西。則元齡先以

臨江通判從文丞相起兵死，獨母在堂。熙奉之以孝聞。隱居里之滯山。元貞二年，出世百丈，居十二載而法席振興。至大初，應淨慈之請，發揚宗旨，四方英衲一時輻湊。上堂曰：雲門道箇普字，盡大地人不奈何。殊不知雲門四稜塌地，當時若與震威一喝，待此老惡發，徐徐打箇問訊道：莫忙觸忤好，非徒扶起此老，管取話行天下。居七載，遷徑山。閱三月而杖策歸南山之下，復起之，不往也。江西學者聞熙退閒，咸傾誠法味，以致百丈大德之徒爭來請熙，熙不獲已，遂返仰山。居三年，將示寂，手



書所與往來作偈示衆。擲筆化去。年八十二。塋於大仰之下。其徒之在杭者。又建塔於淨慈之西。隱以存瞻敬之所。嗣法者有笑隱。訢石室。瑛仲芳倫。

### 文明

文明姓婁氏。諸暨人。母王姬時。夢神人以白芙蓉授之。乃生。甫能言。見母舉佛號。卽依聲和之。及長。客居山陰。靈壁寺。窺內典。輒歎曰。欲求出世間法。非釋氏吾誰依。大德九年。遂投靈壁僧思窮。祝髮。明年。精進益力。一夕。集衆謝曰。吾將歸矣。書偈。擲筆而逝。

行端

行端臨海人。姓何氏。生而秀拔。幼不如輩。年十二。得度。化城十八受具戒。一切文字。不由師授。自然闇解。初叅藏叟於徑山。叟問汝是甚處人。端云。台州。叟便喝。端展坐具。喝。端收坐具。叟云。放汝三十棒。叅堂去。端於言下豁然大悟。卽延入侍司。叟告寂。端至淨慈。依石林鞏。卽處以記室。尋以雪隱山水清勝。往掛錫焉。端嘗自稱寒拾里人。橫川珙在育王。以偈招曰。寥寥天地間。獨有寒山子。端竟不渡江。而謂覺庵真於承天。復叅雪岩欽。

於仰山岩問何處來。端云：兩浙。岩云：因甚？語言不同。端云：合取鼻口。岩云：獼徑橋高，集雲峰峻，未識書記在。端拍手云：鴨吞螺蚌，眼睛突出。岩笑，顧謂侍者：點好茶來。端云：也不消得。居三歲而岩逝，乃還浙右。徑山請居第一座，尋出世湖之資福。學徒奔湊，名聞京國。特旨賜慧文正辨禪師以薦，主中天竺。尋遷靈隱，有旨設水陸大會於金山，命端陞座說法。加賜佛日普照之號，復補徑山。一十年間，三被金襴袈裟之賜，足不踰閭而慕其道者，鱗萃無所容。上堂舉僧問趙州：狗子還有佛性也？

無州云無。又僧問狗子還有佛性也。無州云有。端云若以無爲究竟。後來因甚道有。若以有爲諦當。前面因甚道無。者裏捉敗趙州。許你天上天下。端以呵叱怒罵爲門。弟子慈切之誨。以不近人情。行天下大公之道。端之利他。皆陰爲之。沒齒不言。至正辛巳八月四日。書偈辭衆云。本無生滅焉。有去來。冰河發燄。鐵樹花開。投筆垂一足而化。世壽八十八。僧臘七十六。搭全身於寂照院。弟子竹泉林。古鼎銘。夢堂噩。楚石琦。以中及等。皆足以亢其宗。

懷實

懷實上虞人，姓任氏，受經於會稽澄心寺師。以其魯鈍，令赴壽昌寺習禪定。百日期滿，果心神開朗。寺欲建佛閣，令實往天台伐木。遠不能致，卽在彼山中誦大悲咒，以芝麻一升記之。垂盡夢山神告曰：師第還，吾當助力。約以時日，令候於塘角村江岸。如其言還，寺衆嗤笑之。至期，大風雨果漂所伐木至閣，遂成。又塘角村江岸屢崩，實築塔其上，潮遂不復爲害。一百二歲，無疾卒。

了万

了万族臨川金氏年十五祝髮靈芝產於戶樞具戒游  
方諸名宿多以爲法器東叟領南屏擇掌書記偶經神  
祠見紙灰隨風旋起者脫然忘所證亟以白東叟東叟  
詰之終無疑滯遂蒙印可尋開法寒岩以嗣東叟三年  
遷仙居紫箬又十年遷疎山未幾江淮總統會諸山於  
靈隱直指堂議以開先迎居之一蒞事而叢林鼎新又  
十年升住江心少不合意輒棄去如脫屣會廬山月澗  
明遣舟迎歸東溪明示綱復還開先皇慶初書偈辭衆  
坐脫闍維收五色設利如菽不可計雙目睛不燼鎔以

烈燄益晶熒齒牙頂骨錚錚有聲時改作衆章烏遮塔  
江西行省丞相幹赤命以舊藏釋尊設利奉於中遣使  
分一山之目睛設利貯之銀函陪葬焉

宏濟

宏濟餘姚姚氏子有戒行墳典過目不忘以流通經教  
爲已任泰定二年隨官州海潮衝堤民有魚鱉之憂請  
濟呪之足跡所到土皆凝然畚鍤隨舉長堤屹垂如虹  
飲海民到於今受其賜禪定之暇頗工篇詠鉄崖楊廉  
夫亟賞之以爲不媿古人

時習

時習山陰人，延祐中以高麗王薦，召至京，令說法於南  
城寺頂門，忽現異光，縈結如蓋，四衆瞻仰，皆以爲肉身  
菩薩。

閻禪師

閻禪師，南京人，姓周氏，年十三出家，禮偃一人爲師，雖  
落受具，一日閱華嚴經，至惟一堅密身，一切塵中現，忽  
有省，卽往見別山智於蔣山，智問近離何處，問云：江西  
智云：馬大師安樂否？閻叉手進云：起居和尚，智命侍香。



未幾至杭。見斷橋。倫於淨慈。倫問。臨濟三遭賣藥。痛棒。是否。問曰。是。又問。因甚。大愚肋下築三拳。問云。得人。一牛。還人。一馬。倫頷之。倫逝。而相山介石來補其處。一日。室中。舉相樹子話。問擬議。石抗聲云。何不道黃鶴樓前。鸚鵡洲。問於言下。頓悟。久之。歸廬山。尋出世。西林爲介石嗣。大德九年。陞住靈隱。嘗勸一僧云。微塵諸佛。在你舌上。三藏聖教。在你脚底。何不普地。僧罔措。問便喝。又勸一僧云。釋迦彌勒。是他奴。他是阿誰。僧擬對。問便打。一僧新到。問問何處來。僧云。閩中。問云。彼處佛法。如何。

住持僧云飢卽喫飯困卽打瞌闍云錯僧云未審和尚  
此問如何住持罔拂袖歸方丈僧休去居四歲而逝書  
偈辭衆曰緣會而來緣散而去撞倒須彌虛空獨露世  
壽七十五僧臘五十二

懷則

懷則上虞人宋景定間祝髮澄照寺銳意參學往天台  
諸寺究尋智者教觀四十餘年至元中住天台白蓮寺  
學者雲集次徙杭州南竺高麗王子聞其名附書相繼  
以老疾辭年八十餘卒有天台四教儀要正行於世

大證

大證。番陽人。姓史氏。初從昌國寺智節。學出世法。離群  
受具。出遊。謁荆石。耽於廬山。機語不契。時思庵。屏居閒  
房。證日。親煨煉。雲外。岫方。唱曹洞之道於天童。證往依  
之一日。入室次。岫云。天童今日大死去也。汝作麼生救。  
證云。請和尚。劈飯。岫又云。天童今日大死去也。汝不要  
相救。證云。救它作麼。岫又云。天童今日大死去也。所誰  
與我同行。證云。和尚。先行某甲。隨後。岫呵呵大笑。自茲  
情同魚水。猶鴻山之與寂子也。遂命典藏教。已而靜中。

峰本於天目山本雅相器重至治間詔天下善書者以  
金書藏經與國師妙公偕北上入覲事竣賜以織金  
胸之衣奉定初還主衡之南禪說法爲雲外之嗣繼  
光孝遷信了祥符尋奉詔主慶元之定本朝四年遷  
寶上堂妙不妙衲僧鼻孔多無竅玄不玄刹竿頭上無  
青天至士寧容袖手良馬豈待揮鞭全起棒喝不落  
筌百鳥不來春又去岩房贏得日高眠居四年退居定  
水之圓明庵明年示寂世壽六十有五

明本

明本錢塘人。姓孫氏。學佛精進。首闢於柱臂。燃於火膚。不近席者三十年。入原妙關。誓死求之。既由金剛經得悟。而沉默韜晦。恒若未悟者。一衲一單。屢居舟居。皆名幻住。後居天目。仁英二廟。欽其道風。俱賜紫衣。號稱大國師。文宗加謚智覺焉。潘王璋與諸公卿。皆函香師事之。北。碑。龍。漠。南。極。六。詔。西。連。身。毒。東。抵。扶。桑。奔。走。歸。依。不可避。而像入南詔。神光燭天。殛之日。白虹貫日。哀動山谷。所著有中峰廣錄。梓行於世。揭傒斯爲之序。說者謂本師前身爲慧開法師。慧開身材眇小。而師所遺集。

履乃長一尺有咫人以此爲異云

### 聯機

聯機錢塘人姓唐氏性至孝雖拾俗不廢色養習學工文辭禪門中稱爲縞虎諸大臣高其德風率屬迎主淨慈高麗日本雲南之僧集祝座下日以千計一聞其指授者無不證無生法忍嘗作佛閣植松柏鬱成叢林末法之弘以機爲首

### 普岩

普岩不知何許人嗣法靈隱岳禪師住湖州道場之還

庵開筵說法，衲徒雲集。嘗題趙州像偈云：無端提起七斤衫，多少禪人著意參。盡向青州做窠窟，不知春色在江南。其下有虛谷愚石庵衍紹其法席，稱龍象云。

### 元長

元長蕭山人，姓董氏，所謂千巖者也。居天龍東庵，有蛇日來環繞，長爲說法，蛇叩首而去。由是聲光日顯，嘗往烏傷伏龍山，見龍壽寺故址，樂之，手植一松，誓曰：此樹殷若復興，吾松當茂。後果化瓦礫爲伽藍，松亦漸長，折爲二幹，屈曲如此。龍望之飛動，至正十七年，南枝忽折。

已而長卒因號般若枝宋學士源爲之讚

祖如

祖如字宗振錢塘朱氏子幼誦魯誥卽以野諷訓僧維  
於南屏踏拖慵率濟顛之流也後居天池一日作書辭  
諸善信云某日西歸及衆赴化期如已忘之尚曳杖逍  
遙問故始沐浴更衣坐脫有塵根都盡萬月當空之偈

慧日

慧日姓金氏鹽官人青年薙染受具叅方禮天池元禪  
師遂昇宗旨後柱硤石圓覺寺大振玄風座下得法者



多於麻。葦云有語錄并十猶頌行於世。

### 覺慶

覺慶鄞人。姓毛氏。弱族禮壽梅峰落髮。師化道俗。以檀波爲第一。至正辛巳。杖錫至雲間。親普照佛會。隆盛遂預作別四明及武林諸道侶二書。并偈云。無量劫來元有我。無有有我。我亦無。無我無人。無兌處。蕩蕩光明耀太虛。後示衆云。興來立到五更後。徹骨寒侵有幾人。已而示寂。三日茶毘於西延恩。編體汗下。迎歸。是夕紅光燭天。又十日。顏貌如生。髭髮自長。四衆歎異。

希陵

希陵號大辨。契雪巖欽公之旨。卓錫淨慈。文章高古。詞  
場道場。學者爭湊其門。卽仰山二龍。亦日往朝焉。視黃  
白無殊瓦礫。元四帝皆賜號寵之。虞集銘其墓。

世愚

世愚西安人。姓余氏。母夢觀音送童子而生。天資超悟。  
卽法便了。日據禪床而坐。兀如枯株。當其研味寢食。不  
覺偶聞證道歌。豁然大悟。遂嗣止巖息影大慈山者十  
六年。輪下常滿。賜號弘辨大師。有二陰語錄。

行輩

行輩不知何許人。夢泗州大聖。衣覆頂而落髮。得旨松源之後。諸大德每延致之。晚繼淨慈倫公。法席一時獨盛。

慧照

慧照橫川珙公後身。聞真淨語。懸解詣東。與勘辨如左舞空。遂與分座。帝師錫號佛德。不屑也。一時尊宿高之。

松隱茂

松隱名茂。亡其氏族。初居傳法寺。受戒於昭慶惠聞。歲

泉泠泠有省。古林笑其妄。投華簏而悟。後住清涼。影不出山。勢塵滿席。古鼎銘謂達磨之道。賴以不墜。既逝而火。天花滿空。

守貴

守貴不知何許人。居天龍寺。寒暑一衲。始見千巖長於龍華。繼見中峰斷崖而後知千江一月。於是莊嚴天龍。如大伽藍。有楨其落齒者。生五色舍利日增。

士璋

洪傳附

士璋出家集慶。犀頂星眸。生不如葷。柳貫其經師也。除

髮杜多與天心稱爲雙壁著聲台教窮玄於無才繼三  
師其嗣法弟子洪偁於天目立禪得定勤脩淨業飛鳥  
就掌取食旣坐逝呼楊越父同往安養時方平旦舉家  
見之

慧炬

慧炬不知何許人住崇壽院深明教觀江神聽戒潮不  
墮岸一時稱爲炬菩薩

得喜

得喜姓錢氏嘉興人童卅時依興聖權公難染及長心

契禪宗越登天目山叩中峰禪師獲玄旨歸結庵北花  
園地鑿基得古碣刻錢喜二字中峰遂大書喜見以題  
其庵一時玄白俱以喜菩薩稱之至願中卜遷盤龍塘  
不三年遂成勝刹及卒道俗送葬者數千人火後舍利  
晶莹得之者如獲至寶爭分互奪號泣交喧或拾片骨  
取樣灰襲藏供禱則舍利累累而生至穿斲六所以求  
之

清珙

清珙字石室常熟人姓溫氏出家崇福寺徧遊天目至

淮陽遇二高僧。泰透禪關。後請住持。當湖福源。歸隱太  
湖。至正間。朝廷降香幣以禮之。皇后賜金襴衣。尋示寂。  
於湖州霞霧山。詔謚佛慈慧照禪師。隆慶間。有士人發  
塔視之。骨皆金色。其光燭天。士人忽若有空中擊之。若  
立死。潮人駭異。爭醵財治塔。復瘞其骨。而燭天之光始  
息。

### 盛勤

盛勤。壽陽人。姓謝氏。夙有遺識。稟法於德山遠和尚。又  
習安定法。然頂師前有異光。上發光熄。而頂畧無損。經

指爲上乘法器來遊餘杭後居資聖法侶數百人一時  
尊爲龍象示寂後火之獲五色舍利不可勝數所著有  
源宗集行於世

以假

以假字中空麗水人棲禪於白雲山四方之侶聞風來  
赴履滿戶外至元丙子夏一日援筆書偈曰地水火風  
先佛說禍地深埋第一義一免檀那幾片柴二免人言  
無舍利跡跡儼然而化

行元



行元字淵叟永康人息影禪空覃思度世和光混俗人  
其能測其青精願寂作偈云來亦無所從去亦無所至  
來去既如一春風滿天地放筆跌坐而逝茶毘後舍利  
無數嘗贊布袋和尚云衲肩布袋跣足獨行落魄落魄  
忘却下生

### 祖銘

祖銘字石鵠奉化人幼穎悟稍長學通百氏年十八從  
橫山錫公於金嶺寺得度見元叟端禪師於雪隱大有  
警發至正七年住徑山四方義學咸稱慕之有四會語

錄行於世

明

懷信

懷信字孚中，姓姜氏，明之奉化人。母劉夢大星墮室中，有光如火，取而吞之，覺卽有孕。及誕，狀貌異凡兒，性凝莊，不妄動。唯見沙門至，必躍而親之。十五出家，法華院受具於五臺寺，習三乘十觀之旨。已而歎曰：教相繁多，浩如烟海，苟欲窮之，自苦耳。卽棄去，徧參名碩，語多不契。繼謂天童竺西坦公，坦一見知爲法器，厲色待之。不

與交一言信羣疑愈熾一日上堂舉興化打克賓公案問答有辨竺西曰俊哉師子兒也久之出世明之觀音院遷補陀洛迦山至正壬午升住中天竺復請住龍翔集慶陞座提唱萬耳聳聽委蛇不迫而玄機自融一日晨興沐浴更衣趺坐書偈曰平生爲人戾偈七十八年漏洩今朝撒手便行萬里晴空片雪書畢而瞑壽七十八臘六十九初天兵下金陵僧徒皆鳥獸散去獨信結跏宴坐目不四顧執兵者滿前無不擲杖而拜上嘗親幸寺中聽其說法特改龍翔爲大天界寺寺之通

糧在民間者遣官爲徵之信將終前一日上統兵學  
江陰沙洲上當晝而寢夢信服褐色禪衣來見上曰  
師胡爲乎來對曰將西歸故告别耳上還聞遷化衣  
與夢中正同大悅詔出內府帛帛助其喪事復命堪  
輿賀齊叔爲卜墓地舉龕之夕上親致奠送出都門  
之外其寵榮近代無與同者有五會語錄行於世

### 万金

万金字西白吳郡姚氏子七歲依寶積道原衍法師爲  
弟子十一歲祝髮受具戒精研三觀十乘之旨衍主秀

之德藏金爲網維之職。忽明然歎曰。名相之學。畧諸之矣。盍棄之而往。躋覺路乎。遂更衣入虎林。謁古鼎銘於雙徑。示以德山見龍潭語。奮迅踊躍。直觸其機。從而有契。銘俾掌託室。未幾。遂分座說法。如山川出雲。靈雨沾潤。四衆信服。至正丁酉。出世蘇之瑞光會嘉興天寧寺。災郡守貳咸曰。非師不足起其廢具。禮幣遣使力邀。致之。金住未久。儼如兜率天宮。下現人世。道路過者。莫不瞻禮讚歎。性尤至孝。年幼失怙。惟有母存。乃去城東一舍。築孤雲庵。迎母養之。同袍咸議以非法者。金呵之曰。

爾不見編蒲陳尊宿乎何言之易易也洪武元年詔住  
大天界寺奏對稱旨大悅卽令內官送之入院賜以天  
厨法饌四年春詔集三宗名僧千人及其徒二千建廣  
薦法會於鍾山命金總持齋事尋以母老舉徑山泐公  
自代復還庵居五年冬詔復建會如四年大駕臨幸  
詔金闕楊第一義諦自公侯以至士庶環而聽之無不  
悅服一日忽示門弟子曰吾有夙因未了必當酬之汝  
等勿以世相遇我未幾示疾書偈委順而化停龕六旬  
始行荼毘之法視其貌如生數珠牙齒不壞於火設利

羅無算親者競取之而去。貴壽四十有七。僧臘三十又六。

了真

了真天台人。寄跡山陰諸寺中。嗜酒落魄。曳杖乞錢市中。入手卽散與貧者。冬月唯單衣。時叩冰而浴。洪武二年大旱。真閱之曰。我當乞慈氏以法雨濟衆。隨書偈。瞑目而逝。鄉人舉龕。燔於五雲門外。甘雨隨澍。歲乃有秋。

曇聖

曇聖字夢堂。慈溪王氏子。世業儒生。而魁岸風神洞爽。

卅歲卽通經史，尤瞻於詞章。鄉先生多強之舉進士，以不甘聲利棄去。初依奉化長蘆寺剃落，後住天台國寧，又徙衆之瑞龍寺。老而戒行嚴潔，文章簡古。士大夫有丐其文者，漬筆卽成，有如夙構。洪武二年，以高僧召至南京，與蔣山楚石琦禪師等說法，尋歸瑞龍東堂。居鍾樓之側，一夕颶風猛作，鍾樓廊廡俱仆，衆謂噩必不救，往視之，噩乃危坐其中，惟一巨木斜支卧榻，人以其爲異。六月六日，忽沐浴更衣，辭衆作偈曰：塊然一物，或有或無，翻身歸去，踰破毘盧。端坐合掌而逝。所著高僧傳若



千卷行於世

白雲禪師

白雲禪師，處之屢水人，十五從禪智寺剃落，冥心入道。習定於楞伽庵，一坐輒旬日不起。越三年，携軍持出遊，徧參名宿，以證所悟。尋歸白雲。時元綱解紐，兵火四起，邑人胡深糾合義勇，以保鄉里。嘗造庵問之曰：滅却心頭火，特來參老禪。雲曰：將軍來太早，妻伴別人眠。深怒，欲刃之。雲曰：心頭火未滅，畧發即生烟。深媿謝。雲曰：若問前程事，古月落西川。後深奉詔提兵至福建，征陳友

定戰於西陽，兵敗爲友定所擒，不屈死之。果如其言。洪武己酉，詔起天下名僧，雲力辭。有司強起之，召對稱旨，卽辭還居杭之虎跑。明年將歸故山，衆堅留之。雲曰：「葉落歸根，吾所願。」遂還白雲。五日，索筆書偈而逝。

### 梵琦

梵琦字楚石，明州象山人。母夢日墮懷而生，有異僧見之，撫其頂曰：「此兒佛日也。」他年必當振佛法以照耀濁世。因小字曰曇曜。九歲從海鹽天寧衲公受業，十六具戒爲大僧。因閱楞嚴至緣見因明，暗成無見，不明自發。

則諸暗相承不能昏於此有省然於向上一着尚有滯礙元叟端和尚主徑山往叅謁問如何是言發非聲色前不物叟遽云言發非聲色前不物速道速道琦擬進語叟震威一喝琦乃錯愕而退已而應書寫大藏之經至京師崇天門一夕聞絳樓上鼓聲汗下如雨拊几笑曰徑山鼻孔今日入吾手矣因成一偈有拾得紅爐一點雪却是黃河六月水之句翻然東旋再入雙徑元叟迎謂曰西來密意喜子已得之矣遽處以第二座且言妙喜大法盡在於子有來叅叩者多命琦辯決之尋出

世海鹽之福臻，遂升主永祚。永祚琦受經之地也。爲創大寶閣，範銅鑄賢劫千佛，而毘盧遮那及曼殊師利普賢大悲諸像，以爲圍繞。復建塔婆七級，崇二百四十餘尺。功垂就，勢將偏壓。琦禱之夜，乃大雨風，居氓聞鬼神相語曰：「天寧塔偏急，往救之。」遲明，塔正如初。遷杭之報國，轉嘉興之本覺，更構萬佛閣九楹，宏偉壯麗，儼如天宮。下移人世，又受請主報恩講席。未幾，退歸永祚，築西齋爲終焉之計。琦爲人形軀短小，而神觀精朗，舉明正法，滂沛演迤，有不知其所窮。凡所蒞之處，黑白嚮慕如

水歸壑。一彈指間。湧殿飛樓。上挿雲際。未嘗見其有作  
說者。謂琦縱橫自如。應物無迹。山川出雲。雷蟠電掣。神  
功收歛。寂然無聲。由是內而燕齊秦楚。外而日本高麗。  
咸咨決心要。奔走座下。得琦片言。裝潢襲藏。不啻拱璧。  
可謂不愧妙喜諸孫者矣。洪武元年。徵琦說法於蔣山。  
上大悅。又明年秋七月。復被召。二十六日。忽索浴更衣。  
跣趺書偈曰。眞性圓明本無生。滅木馬夜鳴。西方且  
出。置筆。謂靈夢堂曰。師兄。我去也。靈曰。何處去。曰。西方  
去。靈曰。西方有佛。東方無佛耶。琦乃震聲一喝而逝。羅

維齒舌數珠不壞有語錄二十卷及西齋淨土詩行世

### 祖闡

祖闡字仲猷姓陳氏慈谿人祝髮於邑之永樂寺年十八機鋒峭拔迥出流輩每義徒辯難輒以蒙輪獨當一隊縱橫正倒無非妙解一時稱爲義虎洪武四年主明之天寧講席緇素奔湊如水歸壑詔取天下高僧闡與焉尋奉使日本卉服革心歸蒙賜賚一日郡僧恕中訪之及別闡笑曰可遲一日送我明日果合掌坐脫

### 慧明

慧明字性原，姓項氏，台之黃岩人。七歲患疽，幾死，置牀上，忽不見。已而求得之，問其故，曰：「項睡中，有四童子昇至此，無他也。」翌日而愈。既長，不甘處俗，乃往依樂清寶冠寺。魯山東公出家，後詣徑山，參元叟端公。端云：「東嶺來。」西嶺來，明指草鞋云：「此是三文錢。」買得。端云：「未。」在更道。明云：「某甲只恁麼。」未審和尚作麼生。端云：「念汝遠來，放汝三十棒。」明乃悟其旨。久之，究盡底蘊，曰：「纔法思惟，皆爲剎法。」既而出世，鄞之五峰。洪武五年，詔建佛會於鍾山，召高行沙門，明與季潭泐公與焉。後住靈隱，逮

于寒暑無何遭無妄之災逮捕或勸明早自爲計明不  
顧怡然請所司未鞠卽廬下說偈端坐而化

輔良

輔良字用真興縣人姓范氏文正公之十葉孫也十五  
受具習天台教觀所謂三乘十二分研其精華攝其微  
密充然若有所辨士瞻杓公誨之曰教乘固當學若泥  
溺不返若入海算沙徒自困耳何不更衣以事禪寂乎  
遂往請笑隱所公所一見卽以法寶期之問荅之際機  
喝兼施弦發而箭馳雷春而電掣剎邪之項凡情頓喪



他日請再有所問。良發言。念願。請笑曰。得則得。已終居  
第二義也。良弗懈。參究益勤。久之。遂契其旨。雲空川流。  
了無留礙。尋掌藏。鎗於四明阿育山。後出世嘉興之資  
聖寺。陞座說法者。十三年。遷越之天童。復移杭之中溪。  
竺時靈。隱煨於兵火。請良居之。力爲起廢。緣事甫周。而  
適良四坐道場。舉揚大法。不務緣飾。而西來之旨。自顯。  
復以淨土觀門。苦海舟航。著而脩之。未嘗少怠。其所見。  
盡車然云。

祖銓字無盡。姓王氏。四明人。父好謀。嘗寫華嚴經五色。  
設利見於筆端。銓年方幼。歎曰。般若之驗。一至於斯乎。  
年十四。卽求出家。郡之天寧。從東白明公受具。已而日。  
溪永公來代講席。命司藏。銓曰。溪升堂。銓出問曰。生死。  
事大。無常迅速。乞賜指示。日溪曰。十二時中。密密叅求。  
忽然觸着。却來再問。銓抗聲曰。無常迅速。生死事大。語。  
未終。日溪便喝。銓遽禮拜。日溪曰。見何道理。便爾作禮。  
銓曰。開口便錯。日溪頷之。銓服勤數載。復辭出。還叅名。  
德。以驗其所證。旣得道已。思報師。而護持之。遂結庵上。

雲精脩苦行影不出山者五十年人多化之以檀波爲  
第一遂使荆棘之區變爲寶坊金碧之輝上矗天際而  
諸禪林環列於其下上雲之境尤爲絕勝有以土田爲  
施者鐙則辭之曰先佛以乞食爲事吾焉用此爲性尤  
孝謹迎母養之山中年九十四而終衆以非沙門行讓  
之鐙曰世尊尚升忉利天爲母說法我何人斯敢忘所  
自洪武己酉春忽示微疾作書別諸同道夜半顧左右  
曰天向明乎對曰未也或曰和尚正當此際何如鐙破  
顏微笑曰昔古德坐疾有問者云還有不病者乎古德

云有。又問云何物是不病者。古德云阿爺阿爺。經旣舉。此語良久。又曰。如此喚做病得否。衆皆無言。經大聲唱曰。色身無常。早求證悟。時至吾將去矣。侍者執紙乞偈。經曰。無偈。便未可死耶。侍者請益堅。乃書生滅與去來。本是如來藏機。例五須彌廓然。無背向。投筆端坐而逝。壽七十八。臘五十七。火化。異香襲人。所獲舍利不可數計。

慧曇

慧曇字覺原。天台人。母夢明月自天而墜。取而吞之。遂

以有嫌及生容貌巖然長不與羣見解每人塔廟輒對  
法王禮禮弱齒出家法果寺十六爲大僧初受具學毗  
尼忽相解歎曰毗尼之嚴科文之繁固吾佛祖方便示  
人若欲截斷衆流一起直入非禪波羅密身由致之勝  
廣智笑隱斯公說法於中天竺曇徒謂之備陳求道之  
切笑隱斥曰從外入者決非家珍道在自己奚向人求  
曇遂巖然獨坐一室久之未有所入笑隱一日舉百丈  
野狐語曇大悟曰佛法落我手矣只爲分明極翻成所  
得遲笑隱曰爾見何道理敢爾大言耶曇展兩手曰不

直一文錢笑隱頷之乃命侍香久之出世牛頭山之祖  
堂又遷住清涼之廣惠復徙保寧王師定建業曇謁  
上於轅門上見曇氣宇異常歎曰此福德僧也命主  
蔣山太平興國禪寺踰年賜改龍翔爲大天界寺詔曇  
主之每設廣薦法會曇必陞座舉宣秘要車駕親率  
羣臣臨幸恩遇優洽遠邇學徒聞風奔赴堂筵至無所  
容洪武元年開善世院秩視從二品特授曇演梵善世  
利國崇教大禪師住持大天界寺統諸山釋教事頒降  
誥命俾服紫方袍章縫之士以釋氏爲世姦請滅除之

上以其章示曇曇曰孔子以佛爲西方聖人以此知  
眞儒必不非釋非釋必非眞儒矣上亦以佛之功陰  
翊王度却不聽三年庚戌夏奉使西域合刺國宣布天  
子威德國王甚喜館於佛山寺待以師禮尋示微疾沐浴  
更衣呼左右謂曰予不能復命矣跣趺端坐而逝踰  
五日顏貌如生王大敬歎斲香爲棺聚香代薪築壇而  
茶毘之拾靈骨附葬於其國之舍利塔中七年甲寅秋  
九月同門友宗泐奉遺衣藏於南京聚寶山雨花臺之  
側

智順

智順字逆川溫之瑞安陳氏子。智者大師之後身也。七歲離俗。稍長。受具足戒。年十八。習法華經。歷三月。通誦其文。復取橫雲岳法師受三觀十乘之旨。忽慨然歎曰。義學雖益多聞。難禦生死。卽禦生死。舍自性將奚明哉。遂更衣入禪。走閩謁天寶山鐵闢樞公。未蒙印可。順壁立萬仞。無所回撓。雖晝夜明暗。亦不能辨。踰月。因如廁。便旋覩中園。匏瓜觸發妙机。匪體輕清。如新浴。出室。一毛孔皆出。光目前。大地倏爾平沉。喜幸之極。亟走



上方舉所悟求證。樞曰：此第入門耳。最上一乘，則遊在萬里外也。乃囑之曰：汝可悉棄前解，專於叅提上致力，則自入闢與矣。順從其言，踰五閱月，一日將晚，叅擬離禪榻，忽豁然有省，如虛空玲瓏，不可湊泊。厲聲告樞曰：南泉敗闕，今已見矣。樞曰：不是心，不是佛，不是物，是何物？順曰：地上磚鋪屋上瓦覆。樞曰：卽今南泉在何處？順曰：鷓子過新羅。樞曰：錯。順亦曰：錯。樞曰：錯。錯。順遽作禮一拜而退。明日，樞披大衣，鳴鼓集四衆，再行勘驗。順笑曰：未吐辭前，已不相涉。和尚眼目何在？又爲此一場戲。

劇耶。樞曰：要使大衆皆知之耳。遂將宗門諸語一一訊之。願一一具荅。樞可之。復囑曰：善自護持，勿輕泄也。遂令分座說法。忽爾棄去。過杉關，抵百丈，上迦葉峰，渡江入淮，禮諸祖之塔，經建業，廻浙中，超然如野雀孤雲，無所留碍。尋返永嘉，住瑞安大龍山報恩講席。未幾，東甌內附，願潛居林下。若將終身焉。洪武初，尊尚佛乘，召江南高行僧十人於鍾山建無遮法會，願與其選。每陞座演說，聽者數千人。大駕幸臨，慰問備至，號爲一時寵遇。尋請住湖南淨慈，復應召至南京，僅四閱月沐浴。

更承書偈而逝。實洪武六年八月二十日也。宋太史景濂銘其塔。系之以論曰。大雄氏之道。不卽世間。不離世間。烏可岐而二之。我心空邪。則凡世間諸相。高下洪纖。動靜浮沉。無非自妙性光中發現。苟爲不然。雖法王所說經教。與夫諸祖印心密旨。皆爲障礙矣。嗚呼。道喪人亡。矣。風沙彌焉得理事不二。有無雙泯者。相與論斯事哉。師自得道之後。坐紫檀座。旣已說法度人。出其餘力。往往莊嚴塔廟。使人爲遠罪遷善之歸。斯蓋近之矣。或者不知。專委爲人天有漏之因。夫豈可哉。夫豈可哉。

自緣

自緣姓陳氏台之臨海人生而氣骨不凡儻然有出塵之趣每入招提見像變梵筴必胡跪合爪作皈依狀稍長從四明白雲觀公爲弟子十七薙髮受具足戒趺坐一室日以縛禪爲事已而還台謁天寧日溪泳公泳一見以爲法器命執巾瓶尋陞掌鑰泳遷住杭之淨慈緣從其行淨慈居五山之列號大藪林四方龍象咸來棲止緣自是咨決心要乃漸息羣念以至於無念而父母俱耄獨繫念不去乃辭師歸省道經臨海日已向暮悲

風號林莽間。緣邊邊急走。欲求憩泊之所。了不可得。度行十餘里。乃逢逆旅。破屋半間。不蔽風雨。緣竟夕不能寐。明發。指天自誓曰。所不能結團蕉。以棲行腳者。有如此。遂一力新古妙相寺。殿其西偏。以爲客寮。具牀。凡設衾褥。下至庖厨。溷涌之屬。罔不潔楚。於是餐玄味道之士。或驅一笠。或携半瓢。往來其地者。莫不于焉寢息。于焉食飲。各厭所欲。而後去。緣猶以爲未足也。復儉衣削食。改桃源橋圓通閣。爲華嚴寶閣。月集善士。閱華嚴經。又於橋南築彌陀閣。像淨王十六觀相。閣道行空。朱臺

耀日儼然如天宮之現人世也。事聞於朝，授金襴法衣。賜號曰佛心普濟禪師。緣旣受命，復自念曰：上之恩侈矣。顧屋居雜遼，塵氛襲人，無以稱清淨宏麗之觀。復於縣北五里大橋之陽，建報恩禪院一區。朝夕帥其徒，以祝釐報上爲務。由是兩地之間，鐘魚互答，未幾而王師下台。三閭與寺皆燬於兵火。緣真然傷心，又以興復爲已任，持鉢行化聚落中，隨其地建華嚴傳經之會。演說因果，屠沽爲之易業。於是施者四集，緣仍於桃源夾堤，悉甃以石，建傑閣三楹間，命工塲佛菩薩天神諸像。

畢工未久而象已厭世。一日索浴更衣呼筆書偈而逝。時洪武戊申三月某日也。壽五十九。臘四十二。龕留七日。顏貌如生。茶毘得舍利無算。其上首祖溢奉靈骨瘞於寺之西偏。而太史宋景濂銘其塔。論曰。予聞華嚴有四種法界。其三曰事理無礙。所謂事理無礙者在有而不廢。無雖動而不離靜。譬如水與波焉。真空不礙幻有。卽水以辨波。幻有不礙真空。卽波以明水。緣生假有。二相變存者也。師今熾然建立。雖若墮事爲。而能無所染着。竟全真理。其有得於華嚴者與。

普仁

普仁字德隱，姓趙氏，婺之蘭谿人。年十歲，依寶石演法院。月公出家，俾習東魯西竺之書。性爽朗，過目輒解義趣。十四，祝髮，受具足戒，卽慨然有求道之志。危坐達旦，期息妄緣，隨謁了然義公。契機言下，自是聲稱籍籍。雙徑爲江南諸寺之最，時南楚說公主講，延仁分座。及說公遷化，古鼎銘公來補其處，益相欽重，分座如故。而仁不敢自足也。聞月江印公住育王，雲外岫公居天童，亟走四明見之。相與辯詰，無虛日。徵以宗門機緣，大而沙



界小而毫芒無不收攝已還浙西相羊於山水間日與  
達人勝士激揚正法旁及於辭章者惟覺隱誠公笑隱  
訢公最密風簷月牖語婢連不能休至忘寢食元至正  
末始遷寶石山中尋出世金華西峰淨土禪寺時天下  
大亂仁知事不可爲鳴鼓而退戊戌 太祖皇帝親率  
六師取婺州己亥春幸智者院見其山川深秀而法席  
尚虛特詔仁主之一坐十五夏甲寅請住淨慈開筵之  
日黑白環聽者數千人各挹深飲醇歎詠而去明年以  
秘書之誣被逮京師忽示微疾端坐而逝世壽六十有

四、僧臘五十、仁風旨孤峭、不樂與非類狎、逢學行之士、輒敬之如賓師、縱無儋石儲、亦必久留不厭、故縉紳服其偉度、樂與過從、如王御史叔善、胡教授仲伸、二公名德重當世、尤與仁爲金石交、善談論、終日不倦、玉貫珠聯、纚纚絕可聽、尤好汲引後生、隨資誘掖、克抵於成、有三會語錄若干卷行世、

智及

智及字以中、姓顧氏、吳縣人、生而靈夢發祥、及入海雲院爲童子、智光日顯、釋典與儒書並進、登年具戒、聞賢

首家講法界觀、往聽之、未及終章、莞爾而笑曰、一眞法界、圓同太虛、但涉言辭、便同剎法、縱獲天雨寶華、於我何益哉、遂走建業、見廣智訢公、訢公以文章道德、傾動一世、如張文穆起巖、張潞公翥危左丞、素皆與之游、以聲詩唱酬爲樂、及微露文彩、珠潔璧光、訢與羣公見之、大驚、交相延譽、唯恐後、同道有訶之者曰、子才俊爽、若是不思、負荷正法、甘作詩騷奴僕乎、無盡燈燭、所謂香葉飄飄者、不知作何見解、及舌禁不能荅、卽歸海雲、口中如礙、巨石目不交睫者、踰月、忽見秋葉吹墜於庭、

然有省机用、洞明觸目無障、乃逍遙曳杖游於虎林、升  
雙徑、謁寂照端公、端勘辨之、及隨機響答、如隼落秋空、  
而兔走荒原也、精神參會不間一髮、遂主藏室、取三乘  
十二分教、益溫繹之、宗通說貫、滾滾如懸江河、聲光燁  
燁、頓出諸老上、至正初、始出世昌國之隆教、海濱之民、  
暨清淨四衆、手持香花、百里馳迎、如見諸佛、及爲陞座、  
普說法味、聞者莫不厭飫而去、尋主杭之淨慈、復請住  
持徑山、稱寂照故處、四方風動、奔湊視座禮足求法者、  
日以千計、洪武癸丑、詔有道浮屠十人、集京師、大天

界寺而及實居首乙卯賜還穹窿山山卽海雲所在也  
未幾示疾索筆書偈而化九日行茶毘法火燄化成五  
色有氣襲人如沈香齒牙數珠不壞靈骨紺澤如青瓏  
瑤色室利羅交綴於上世壽六十八年爲僧五十一夏  
惟則

惟則字天眞姓費氏其先吳興人父君澤母潘氏夜夢  
異僧分衛覺而有娠及旦異香襲人因名僧寶父卒隨  
母適秦川澈上髫年出家祐福從高林壽公爲師十六  
受具游方徧叅名宿緣多不契久之走匡廬謁無極源

禪師亦無啓發。後值源於廁上。乃遍問云。如何是祖師西來意。忽被源擒住云。道道。則於言下釋然頓悟。但搖手而已。源曰。子有所得耶。則疾荅之云。何得之有。源又云。子作道理耶。則拂袖而出。自是机辯濶翻。有不可異之鋒。遂服勤月餘。日益玄奧。諸方聞而畏服之。靈隱平山林公招致。俾掌藏鑰。後出世海門祐福禪院。千指圍繞。道價日振。洪武初。徵天下高僧。赴京師。下外住持。自庵金公首以則名薦。俄辭歸海上。癸酉仲春。示微疾。一日侵晨告衆曰。吾去矣。侍者乞偈。則厲聲曰。平常說底。

不是耶。遂瞑目而逝。荼毘之餘。獲舍利無算。頂骨牙。齒。舌根。不壞。閱世七十有一。坐夏五十有八。

懷渭

懷渭字清遠。南昌魏氏子。稚齒出家。登年受具。博綜內外經典。不煩師授。而知解日勝。形諸篇翰。如千葩競放。錦麗霞張。而不見春風煦嫗之迹。時其舅全悟禪師。以大中大夫。住持集慶大龍翔寺。聞之喜曰。此吾宗千里駒也。遂留之座下。一日。全悟警厲諸弟子。衆未有對。渭直前肆言。如摩空俊鶻。目無留影。全悟振威叱之。衆爲

駭汗渭神氣不懾。徵詰再三。無不應机。摧破全悟。莞爾而笑曰。汝可與入室矣。命爲記室。全悟瀕沒。呼渭而囑之曰。吾據師位者四十年。接人不爲不多矣。能弘大慧之道。使不墜者。唯汝與宗泐爾。汝其勉之。未幾出世。會稽之賓相。又遷杭之報國。轉湖之道場。雖當兵燹。相仍之際。爲法求人不少。退轉洪武初。請主淨慈講席。會儀曹奉詔。設無遮大會於鍾山。兩浙名僧咸集。渭一至京師。卽退居錢塘之梁渚。梁渚乃全悟藏爪髮之地。問道者接踵而至。不減住山時。久之。無疾坐脫。踰七日火化。



得不壞者三日。商牙曰。鉢塞莫日。室利羅世壽五十有九。僧臘四十。有四會語錄。并詩文外集。凡若干卷。不待結集而盛行於時。渭軀分短小。而神宇超朗。終身持誦金剛般若經。未嘗虛日。報國入院季秋。而山丹發花一枝五莖如佛手。然淨慈行化時。有陳氏婦。預夢神僧臨其門。及渭至。稽首作禮。願爲尼以相依。渭語以法要。其婦恍若有悟。言下坐逝。元末兵起。悍卒入室求金。渭瞋目訶之曰。吾浮屠寧有是物哉。卒怒拔刀擬之。渭引頸受刃。卒歎息而去。太史宋景濂論之曰。世間萬事皆可。

爲惟死生之際不可僞有若清遠凡夫俗子孰不以文辭僧目之及其亡也三事不壞光明熾盛驚動一世非有證入毘盧性海寧有是靈驗哉大慧以來累葉相承蓋亦如是而已

### 大同

大司字一雲越之上虞人姓王氏出家會稽之崇勝寺鬚落受菩薩戒會春谷講經景德同往依之獲授五教儀玄談二書又謁懷古肇師受四種法界觀懷古春谷皆東山大弟子深於華嚴學者也同天分旣高又加精

進凡清涼一家疎章悉攝其會通而領其樞要義趣消  
融智光發現識者心服之而同不以自足也。亟出錢塘  
謁佛智熙禪師於慧日峰下。與舊所記憶者一切棄絕  
。惟存孤明炯炯自照如是者間六寒暑。乃上天目。禮普  
應本禪師。言下契合。同將久留。普應曰。賢首宗日遠日  
微矣。子之識量足以張大之。毋久淹於此。爲贊清涼像  
而遣之。同喜曰。吾今始知萬法皆本一心。不識孰爲禪  
。那孰爲教。乘內外自此空矣。亟還寶林。見春谷。且告之  
。故春谷肯之。乃命分座。當時相從者皆法中龍象。同爲

指授維華玄門會元統宗必極其旨趣爾後已尋出世  
蕭山淨土寺同自念圭峰以來累葉相承其間或絕或  
續繫執法者之賢否遂發弘誓力持大法晨講夕演雖  
極勞勩弗懈也天曆初選住景德尋改寶林寶林清涼  
肄業之地也乃倣終南草堂故事建高齋闢幽舍招徠  
俊乂浙東西莫不擔簦駢肩爭集輪下元末大亂退處  
贍博迦室年及八十矣皇明御極四海更化設無遮  
大會於鍾山名浮屠咸應詔集闕下入見於武樓  
獨免同拜跪之禮且命善世院護視之次日復召

見問佛法大意、賜食禁中、及還有白金之賜、明年示疾、書偈端坐而歟、世壽八十一、僧臘六十五、嗚呼、賢首宗、不振久矣、凜乎若九鼎之懸一絲、同獨能掌持震耀、使孤宗植立於十餘傳之後、凡五十年、非賢者其能若是乎、

### 法衡

法衡字永平、象山徐氏子、自白巖智門寺剃落、博覽經教、主寺慧和尚重其人、俾掌庫儲、固辭、乃於寺南松林、結茆以居、脩天台止觀、一定無數日不起、能以善導人、

人咸尊禮之。洪武十年，碩儒畢仲友以使事止僧舍，忽問銜如何。是介子納須彌，銜遽答曰：「先生讀五車書，今在何處？」畢大駭，不覺汗下。由是著名。久之，以微疾坐脫。火後，於灰燼中得舍利子，光明瑩徹，狀如冰雪者，無算。觀者歎異，競捨之，以爲供養。頃刻都盡。

### 元潞

元潞，字天鏡，姓倪氏，會稽人。童子出家，從弘教大法師於大報恩寺。祝髮受戒，嶽然有遠志。走虎林，謁大岸濟法師，濟爲析三千性具之義，及四明孤山同異之辨。

濁浩蕩廉陞高嚴。漸能一一領解。復棄去。謁元叟。請  
師於徑山。纔入門。叟厲聲一喝。漸若聞雷霆聲。黏縛一  
時都解。連稽首作禮。叟曰。汝何所見而遽如是。復詰責  
數四。應機響答。皆愜叟意。叟不覺色喜。顧左右曰。是般  
若位中人也。遂錄爲弟子。命歸侍司。尋遷掌記室。至正  
十六年。始出世。會稽之長慶。久之。陞天衣之萬壽。四方  
問道者。聞風來歸。漸以氣衰。倦於將迎。營精舍一區。名  
曰和塔。將終老焉。元亡。皇明龍興。召天下名柔。門建  
會鍾阜。升濟幽明輪番說戒。漸與上竺東溟日公五臺

塵峰金公特被召入內庭從容問道賜食而退已辭歸  
和塔時靈隱久虛講席四衆和會請滯主之未期年而  
被崇德之誣謫戍陝西行至寶應夜宿寧國禪寺謂後  
者曰吾四體稍覺異常報身殆將盡乎明旦忽端坐合  
掌連稱無量壽佛者三泊然而化實洪武十一年正月  
十九日也從者乃焚其骨而還骨間舍利薰布如珠縣  
大夫與縉紳之流來觀皆歎息而去滯凡三主名山起  
廢補壞具有成績壽六十七臘五十三會語有錄二卷  
詩文曰樸園集行於時



空

卷之八

學

大觀

悟光

悟光字公實姓楊氏成都之新都人以三昧力人智慧海初說法於白馬寺已而住育王天童四會說法虞玄靖公贊謂佛果一枝鳳毛麟角洪武十四年坐脫

克諧

克諧字古音天台奚氏子幼端愿穎秀八歲學語孟讀書過目輒成誦十五捨父母出家往依上虞法果寺修雲靜得度又走婺之雙林見南翁凱公詢答道要於頃所偏圓等名相靡不淹貫洪武中成祖居潛邸召與

佛法大意受賜南還辛巳十一月三日無病宴坐而化  
閻維設利五色森綴靈骨累累如珠人咸目爲古佛出  
世云

溥洽

溥洽字南洲姓陸氏宋寶章閣游之後世居會稽之山  
陰少出家普濟禮靈庭裕公爲師後得法具庵玘公出  
世主孤山瑪瑙講寺時全室泐公奉詔註楞伽金剛經  
洽與其選講釋考訂之功居多移住蘇之北禪學徒雲  
集洽爲開演五時八教如來一代施化之儀聞者無不

心生懂喜居六年還杭之天竺蘇之學徒從往者甚衆  
乃循慈雲故事建金光明護國期懺七晝夜爲衆講貫  
無虛日太祖皇帝聞其賢召爲僧錄司右兼主天籙  
法席玉音褒諭有通東魯之書博西來之意之語蓋  
知之爲深云無何而靖難兵起爲建文君設藥師燈  
懺呪呪長陵及金川門啟又爲建文君削髮脫緇衣  
衣之俾遜去長陵卽住微聞其事囚洽於獄者十餘  
年初洽說法北禪時以文名與榮國衍公競爽交甚盛  
也及榮國以靖難功位太子少師貴盛矣然念洽囚無

已時榮國有疾將化之前一日太宗皇帝親臨視之問所欲言言願赦溥洽太宗從之釋其獄時白髮長數寸覆額矣走大興隆寺拜榮國床下曰吾餘生少賜也仁宗復其官命居慶壽寺松陰精舍以自佚乞還南都大報恩寺以終老給驛舟遣中官護送明年宣德改元七月廿有八日忽示微疾索筆書偈曰清淨自在中還得如是住一切大安樂清淨自在住遂化世壽八十有一僧臘六十有九嘗有問師壽幾何曰不過九耳有日供畦蔬者一日師勞之曰勤爾久矣更用蔬

卷之八  
七。月。至。是。皆。驗。所。著。有。金。剛。經。註。解。附。錄。二。卷。應。制。及。與。名。人。唱。和。詩。若。干。卷。國。家。建。法。會。一。切。科。儀。文。字。皆。師。所。定。以。貽。範。於。後。世。云。

若愚

若愚嘉興人。初投青鎮寶閣寺爲僧。精脩苦行。洞明宗乘。嘗於靜夜演說妙理。天燈羣集。人咸異之。四方義學。聞風全集。無不飽餐法味而去。永樂庚辰夏。辭衆說偈。趺坐而逝。火後得五色舍利羅無算。世尊爲鎮庵祖師。

文沼

文昭字天鏡慈谿孫氏子幼誦儒書有如夙習心厭塵  
縛遂離俗出家究心宗乘法門稱爲龍象洪武中興廢  
北山寺開筵說法四方雲集永樂初以高僧應召纂脩  
內典會建龍華爲之上首七年仍歸北山依白蓮故事  
與一時文儒碩彥結集成社一日忽囑其徒辰省曰世  
緣已盡吾將歸去爾輩精進宜以弘法爲念言畢沐浴  
更衣口誦法華經合掌趺坐而逝

景隆

景隆字祖庭姑蘇洞庭龍山陳氏子幼不茹葷日趺坐

若禪定。永樂壬辰。從弁山白蓮。懶雲和尚。受學。參禪。謝海禪伯。若古拙和尚。草莫不參叩。雖在家居。研究不替。庚子。出家。虎丘。執巾瓶。爲石庵和尚侍者。宣德二年。從昭慶寺。受戒。時石庵開講。雪隱。隆遂爲上座。七年。往天目山。禮高峰祖塔。慧錫一載。剋苦。參究。忽有省。因遣懶雲。剖露雲印可之。懶雲臨濟下二十四世也。隆所著有。空谷集三十卷。心宗洞達。机鋒峻利。儒釋通貫。事理交融。大理卿吳公誌之。隆年五十二時。自作塔銘於武林西湖之脩吉山院。名正傳。有正傳十二咏詩。在集中。

季善

季善姓吳氏。祖貫鳳陽人。隨父任。生於廣東之雷陽。稚小以佛事爲兒戲。十七歲出家。初投源明和尚。請益示以無字公案。一朝聞鐘聲有省。忽說偈曰。沉沉寂寂絕施爲。觸着無端吼似雷。動地一聲消息盡。觸體粉碎夢初回。次見蒙隱。次見楚山。次見月溪。溪印可之。從前打七掩關。曉夜無怠。歷盡百倍苦功。乃得大徹。復蒙古庭。重授衣拂。一以弘法爲任。天順庚辰。趙氏建西湖三塔寺。請善開山。繼興天目。昭明。繼興吳山。寶蓮。繼興南山。



甘露成化庚子掩關石屋寺。壬寅落雲巖。有山曰登雲。  
寺曰天真。僧宗綱請善興建事竣。即掩關杜人事。涵養  
淘汰。有四十餘年。祇掩關之句。示寂後。門人悟深戒菴  
輩輯其言論行實。名昭明甘露天真三會語要錄。行世。  
雪庭

雪庭一號梅雪隱人。世居杭之仁和县。族姓桂氏。毀齒後  
父患痘風得目疾。因求醫家十五。尋師惟慈和解毒。服  
四川休休翁說法仙林以禮來講。一見拜告。受持經教。  
公案。十七剝染。日夜研究。滯沉寂之境。座元龜以看教。

因閱楞嚴至一毫端現寶王刹有疑後在江陰乾明寺  
忽親萬佛閣金碧崢嶸於眉宇間會得毫端現刹之句  
始知幻寄兩間如夢如旅弘治改元除夕忽聞鐘聲  
年行履暮然活脫信口道圓覺心非聞大千同一照  
過上頭關更不存玄妙乙卯又隨休休翁於淨慈寺日  
逐詢究始蒙印可所著有請益警進拈古頌古擬寒山  
和永明詩偈等凡二十卷號幻寄集其自贊曰幻卽寄  
之踪寄乃幻之跡幻起寄亡全寄是幻幻逐寄生全幻  
是寄翳目生華山河大地華翳不生空真實際幻之寄

之誠哉見戲

成權

成權，嵯人，坐卧一繩牀數十年，日誦蓮華經不輟。一日，牀前忽湧蓮花一樹。

正虛

正虛，新昌人，居南巖寺，言動不恒，有似顛者。時或露宿，一日，囑其徒曰：「我將化，可作一龕，衆無信者。」至期，忽有一老人，僂偻而來，引之入龕，焚香置正虛胷間，遂朗誦陸華經。至第七卷，口中忽生烟，身漸成爐，惟餘衣履數

珠不燬老人忽不見灰中得舍利羅無數今坐化臺前存

### 潘頭陀

潘頭陀鄞之象山人年二十好屠宰一旦悔悟投刀出家入天台剃落浪遊湖海徧參名宿得道而歸說法等慈從者甚衆一日曳杖經行遇一老嫗浣衣溪上見頭陀來諦視良久乃曰此非昔日潘屠乎屠刀安在潘倪首作偈曰人說歸家好歸家心不寧溪邊老婆子猶說舊時名乃負父母棺歸山中合掌誦經忽口中火出與

兩棺同化後數年有人見頭陀於他方者

智明

智明號月溪姓楊氏杭之湯鎮人出家於東山壽聖寺復從南山演福圓照才法師受業深究天台性具之學復於城東結庵堅脩淨業緇白皈依年七十二書偈而化建塔曰慧照

至剛

至剛姓陳氏溫之瑞安人其父與江心寺妙慧善慧脩淨土業晚歸箕箒山去剛家甚邇慧嘗勸人念法華經

故剛父亦持是經相與往來甚密一日慧來語曰吾當以翌日午謝世公宜送我至期果坐去一隣女夢慧曰吾已託生陳家眉有白毫者是其驗也及生果見白毫垂兩眉間五歲聞父誦法華普門品卽能習之十二從廬聖寺亮月庭削染受具尋舉爲開元寺都講扶植精微討窮秘義一時稱爲義虎首住平陽之東林樹幢說法學徒全集陞住開元振舉宗綱脩繕廢墜集摩訶大目健連藏文刊以傳世後舉領江心禪寺聲聞有加於昔以高壽終

普明

普明字寂照嘉興人初投妙常庵建染受具日誦法華經不輟後居古杭山中每靜坐蛇鼠鳥雀皆嬉遊於前客至叩門飛走不及輒納諸懷以衣覆之客去則復出有一病者詣之摩其項風患頓除遂委身為弟子一日語之曰我五月十八日逝矣弟子以五月非法更訂八月遂歸嘉善屆期弟子來送明方掃地語之曰汝不來吾幾忘矣遂鳴鐘集衆作偈曰這箇老漢全無思算禪不會參經不會看生平百拙無能晦跡青松巖畔靜如

磐石泰山動若轟雷掣電遂端坐而化舉龕荼毘火光  
五色異香竟夕舌根不壞扣之有聲過旬日人猶見之  
古杭

佛進

佛進。緣人日念彌陀無頃刻去口如是者數十年一日  
別大衆示滅度期人笑以爲狂頃之持鉢出乞米數  
升以歸屆期衆視之跌坐如常曰俟觀音大士至吾便  
去矣衆益大笑日亭午忽有以觀音像來捨者進遂以  
所乞米設齋禮像畢復攝衣坐衆環視之笑猶未已也



見雙目漸垂鼻中若無呼吸者觀之通矣衆大駭以爲神繼素聞之爭執香花作禮舉雲登山谷爲滿停龕旬日始就火塔五色舍利衆然衆競拾之以爲供養頃刻灰燼俱盡

### 寶安

寶安姓夏氏蘇州人深明宗旨對人笑談無非般若住嘉興精嚴寺親運土石作五臺山立五臺院時僧臘八十餘矣身不衣絲縷寢臥亂草中化後肉身不壞聞者時空中忽現祥雲有白雀飛舞

道涓

道涓處之龍泉人駐錫鷲峰崇因禪寺戒律精苦忘身  
荷法一鉢之外無長物乞食分衛七十年如一日景泰  
庚午正月二十八日辭別鄉里歸山告衆端坐雷音堂  
索筆書偈云我觀世間八十一一卽是三三卽一圓圓  
燦破去來踪白日虛空轟霹靂擲筆而逝鼻垂雙箸瑩  
然如玉時年蓋八十一云

普智

普智海寧人姓葉氏生而敏悟聞法便了出家於本邑

華嚴院編游湖海參禮希古尚法師傳賢首教孜孜在  
道未嘗少怠七十有三坐脫茶毘後齒牙不壞建塔安  
國寺之東

宋禪

宋禪姓王氏海鹽人幼聰慧十一歲從硤石廣福寺僧  
弘道出家二十一受具雲遊叅海門天真和尚舉鈎子  
無佛性語言下大悟辭歸說法提唱深得圭峰之奧旨  
後不知所終

祿宏

蘇宏字佛慧別號蓮池志西歸也姓沈氏古杭仁和人  
少補邑庠試輒冠軍視取科第猶掇蜩顧志在出世恒  
書生死事大四字於案頭年三十一父母相繼死因涕  
泣曰親恩罔極正吾報答時也乃作二筆勾詞竟投西  
山無門洞性天理和尚祝髮從昭慶無塵玉律師受具  
卽單瓢隻杖遊諸方徧叅知識北遊五臺感文殊放光  
至伏牛隨衆煉魔入京師叅徧融笑巖二大老皆有開  
發過東昌忽有悟作偈曰二十年前事可疑三千里外  
遇何奇焚香擲戟渾如夢魔佛空爭是與非遂歸越中

多禪期與會者五終不知。麟畢姓字隆慶辛未乞食梵  
村見雲棲山水幽寂遂有終焉之志雲棲故伏虎禪師  
刹也居士陳如玉輩爲結茆三楹以居之宏吊影寒巖  
嘗絕糧七日惟倚壁危坐而已村舊多虎環山四十里  
歲傷不下數十人村民最苦之宏發悲懇爲諷經施食  
虎患遂息歲大旱村民乞禱雨曰吾但知念佛無他術  
也民強之不得已出山乃擊木魚循田念佛足之所至  
大雨隨澍民大喜以爲奇因相與累然肩材木荷畚  
甕競發其地得碣磧而指之曰此雲棲故物也師福吾

村。吾輩願鼎新之以爲報。不日成闕。若然。外無崇門中  
無大嚴。惟禪堂。安僧法堂。奉經像。餘取蔽風雨耳。自是  
道聲大振。海內衲子歸心。遂成叢林。宏慨然歎曰。末法  
教網滅裂。禪道不明。衆生業深垢重。以醍醐而貯穢器。  
吾甚懼之。且佛設三學。以化羣生。戒爲基本。基本不立。  
定慧何依。思欲利導。必固本根。第一國制南北戒壇久  
禁不行。予卽欲舉額綱而一振之。亦何敢上違憲令乎。  
遂令衆半月誦梵網經。及比丘諸戒品。由是歸者益衆。  
宏以精嚴戒律爲第一行。著沙彌要略。具戒便蒙梵綱。

經疏發隱以發明之初宏發足操方從來究念佛得力至是又開淨土一門普攝三根極力主張乃註彌陀疏鈔十餘萬言融會事理指歸唯心又謂從來參究禪宗最極精銳者無如高峰其次則匡山永明遂并三錄而一之更錄古德機緣中劈緊語編之曰禪關策進以示參究之訣蓋顯禪淨雙脩不出一心而宏之化權徵矣淨慈性蓮請講圖覺經環聽者日數萬指如屏百匝台州王侍郎宗沐因問夜來老鼠唧唧說盡一部華嚴經宏云猶兒突出時如何王無語宏自代云走却法師留

下諸案又跪頌曰。老恩。中事。嚴。歷。新。故。王。侍。郎。被。畜。生。感。猶。見。突。出。書。堂。前。床。頭。說。法。無。消。息。無。消。息。大方廣佛華嚴經。世主妙嚴品第一。宏道。價。日。增。四。方。神。子。坐。至。宏。雖。一。以。慈。接。而。清。規。更。肅。衆。有。通。堂。若。精。進。若。老。病。若。十。方。各。別。有。堂。百。執。事。各。有。寮。一。一。具。鎖。鑰。啟。閉。以。時。各。有。警。策。語。依。期。宣。說。夜。有。巡。警。擊。板。念。佛。聲。傳。山。谷。布。薩。羯。磨。舉。功。過。行。賞。罰。以。進。退。人。凜。若。水。霜。威。如。斧。鉞。卽。佛。住。祇。洹。尚。有。六。羣。擾。衆。此。中。無。一。敢。諱。而。故。犯。者。雖。非。盡。百。丈。繩。規。而。適。時。救。弊。古。來。業。



林未有如斯之清肅也。極意戒殺放生。著支久行於世。海內多尊奉之。旅內外放生池。歲費計百餘金。山中設放生所。其救贖飛走諸生物。充牣於中。衆僧減口以養之。亦有警策語。守者依期往。宜白。卽羽族善鳴噪者。聞水魚聲。悉寂然而聽。宜罷。卽鼓翅喧鳴。見聞者無不歎異。海內賢豪。聞名感化者。若大司馬宋公應昌。太宰陸公光祖。官諭張公元怵。大司成馮公夢禎。陶公望齡。并一時諸縉紳先生。次第及門問道者。以百計。皆叩關聲節。徵寃大事。至監司守相下車就語。侃侃無少屈。諸賢

豪恭叅者無加禮無異饌皆甘糲飯卧敗席任蜥緣蚊  
嘍無改容忘形屈勢至者無不空其所有非精誠感物  
何能若是 上 慈聖皇太后崇重三寶域內名僧靡  
不供養一日偶見宏放生文極口讚歎乃遣內侍賁紫  
袈裟降香問法宏拜受以偈荅之語載別錄宏天性樸  
實簡淡無緣飾虛懷應物而守若嚴城善藏其用而文  
理密察經濟弘纖不遺針芥卽書叢林日用量施利酌  
厚薄粒米莖菜無虛費居常數千指不設化主聽其自  
至稍有盈餘輒散捨諸山庫無儲畜生平惜福嘗著三

衣二條自營。垂老自浣濯。出溺器亦不煩侍者。終身一  
衲。一麻。惟乃丁母艱。時物今尚存。他可知已。總宏之操。  
履以平等。大悲攝化。一時非佛言。不言非佛行。不行非  
佛事。不作佛囑。末世護持正法者。依圓安樂行。宏實以  
之。歷觀從上諸祖。單提正令。未必盡脩萬行。若夫即萬  
行以彰一心。卽塵勞而見佛性者。古今惟永明與宏二  
人而已。將示寂半月前。入城別諸弟子。以及故舊。但曰。  
吾將他往矣。人皆莫測。還山。連下堂。命具茶湯。設佛與  
衆話別云。此處吾不住。今將他往。至七月朔。入堂端坐。

獨大衆以精嚴戒律負荷大法爲事遂作三可惜十可  
歎以警衆次夜入丈室示微疾瞑目無語城中諸弟子  
聞之奔至圍繞宏復開目云大衆老實念佛母捏怪母  
壞我規矩衆問誰可主叢林者宏曰解行雙脩者又問  
目前宏曰姑依戒次言訖西向念佛嗒然而化世壽八  
十有一僧臘五十所著除經疏外餘雜錄如竹窓三筆  
等二十餘種行於世率皆警發語宏素戒弟子貴真脩  
勿顯異故多靈異不具載

如榮

如榮字大賢，姓金氏，海寧人。幼力田，壯事屠沽，忽爲承所囑，因大感悟，出家，邑之北寺。旣而曰：「此非吾所宜居。」聞雲棲蓮池爲當今導師，吾將歸老焉。憺然來歸，時年已六十矣。乃晝作諸務，夜雖行僧堂中，勤懇不自休。或止之，則曰：「吾惡能以無德受賢者之供，家人來勸之歸，則大詬不許。」曰：「吾又惡能以恩愛故離賢者之佳會。」萬曆九年初度，具飯飯僧，長跪佛前，厲聲呼願生西方者三。俄有疾，衆環之念佛，大喜稱善，合掌吉祥而逝。

如通

如通字易庵陳留人。姓杭氏。母潘。夢梵僧投宿而婉童時。母囑曰。汝長成。當勤心學道。化利人天。母歿先志。年十五。遂投杭塢山三德寺。薙落。會萬松法師講經于寺。見而器之。遂携歸。徑山誨以萬法歸一之語。勉令參究。久之。有省。一日。萬松問曰。如何。是白雲不倚青山住。通遽荅曰。明月常懸古澗心。萬松許可。遂下。雙徑抵抗之。基槃山。師子峰。宴坐經行。三年。而心珠愈淨。遂杖錫雲征。伏牛五臺。遍叩法席。復至少林。入室叅訣。悉領玄微。頃還故山。會受冢宰張公瀚之請。出脩高麗。仍請脩復。

靈隱靈芝以至秀之東塔蘇之虎丘凡啟舊基卽得於  
碑皆有易庵二字家駭異曰此再來人也通所至但揮  
塵說法而四眾雲集檀波拈至彈指之頃瓦礫荆榛幻  
成金碧宛若天宮降於塵世六十初度時居東塔四方  
緇素遠來設齋稱慶者數十百人弟子輩懇求法語通  
笑曰出胎又入台翻覆甌雪臺但除凡聖解個中無去  
來不逾年而受台州國清之請上梁次通忽翹首西顧  
稱逝始知出胎入台之語通蓋先識也閱世六十三僧  
臘四十一重骨塔于國清寺左

如清

如清字法源。姓阮氏。上虞人。初投龍井寺出家。未幾入雲棲。從蓮池大師受具。曰。吾不歸矣。吾脩學於斯。老於斯。死而火於斯。足矣。筑志念佛。誦法華。六時禮拜。汲汲如不逮。雖入城市中。終不缺廢。高聲懇苦。懈息比丘。不遑安寢。因之策進者。徃徃而是。萬曆十一年。得疾。將入滅。蓮池大師爲集衆設像念佛。以助往生。清聞佛號。覺然起坐。中夜合掌。注視金容。奮迅翹仰而去。

廣如



廣如字本真蕭山來氏子二十九出家雲棲聞蓮池師  
之亟贊伏牛也鏡然向往歸而受具進菩薩戒刻心矢  
志潛自砥礪敝衣破帽形同土木尊師如佛敬友如賓  
視己身如賤役力作忘倦性多昏沈坐則頻瞢語復遲  
蹇期期不可了於時惡薄少年輩多藐之如自若也不  
爲動處衆中未嘗戲言臨問對未嘗不肅容歷叢林歲  
久未嘗以情識私交居未嘗治房舍夜未嘗戀牀榻  
母年八旬來視如病不能去蓮池大師爲夾小室寺傍  
俾終養之密減膳飼母而人莫知也母卒殯半月而如

疾作，屢不救，召衆念佛，躬和之。旣而困憊，謂衆曰：「起，我取衣貲來。」吾欲買時果香花供吾師。吾不得復侍巾瓶矣。衆與辦竟，手自整理，進蓮池師。師爲受之，則欣然喜動顏色。從牀躍起，坐竹椅中，奄然欲絕。師往赴，聞師聲，復從坐躍起，拱而立，張目諦視師。頃之安坐，已瞑然脫去。頭挺直，貌耿耿如生時。世壽纔三十有八耳。僧臘九年。

### 廣槐

廣槐，字東林，浦江人，姓陳氏。少從事戎行，已而剝落清

水庵募雲棲發大誓入山脩道既受具受菩薩戒信力堅勁質直無偽持金剛般若甚虔中夜諷詠雖隆寒暑不廢語及生死必厲聲切齒憤然若不勝其慚愧聞者爲之寒心居家時有子三人仲得羸疾槐往視知不可起勸令擇良偶安置其妻子忻然從之與疾來山中使皈命三寶植當來因甫畢而卒又明日槐卒又明日將茶毘而槐之季子不期而至人以爲慈孝所感先是槐得疾日且彌甚訊之無他語惟諄諄以及時念佛爲囑散衣鉢盡以飯眾僧無遺餘歛窆而逝世壽六十

臘一有二弟子一人曰大海

廣承

廣承錢塘潘氏子少穎悟師圓鑑勤三七懺精相宗蓮池大師命代講於天台賢首教摸象知形無師自會晝夜聽衆圍繞戒鎧甚堅後覩佛面西而逝

詩僧附

唐

靈一

靈一姓吳氏廣陵人。咳唾塵境。繼日經行。宴坐必擇山椒樹下。初舍於會稽懸溜寺。接禪者隱空。乾靖討論第一義諦。尋住餘杭宜豐寺。寺隣生丹山門對佳境。問然獨往。暴風偃山。正智不動。巨浪沃日。浮囊不飄。於是著法性論以究真諦。此一之了語也。每禪誦之隙輒賦篇章。思入風雲興含飛動。與天台道士潛志清裏。陽朱放

南陽張繼安定皇甫曾范陽張南史吳郡陸迅東海徐  
疑景陵陸鴻漸爲塵外之友詩行於世有選其尤者入  
間氣集

皎然

皎然明晝姓謝氏長城人康樂侯十世孫也幼負異才  
性與道合初脫羈絆漸加削染登年受具深入毘尼三  
昧博訪名山法席罕不登聽兼攻子史詩文儁麗當時  
號爲釋門偉器與虎丘元浩會稽靈徹爲道交貞元初  
居於東溪草堂嘗悔詩文非禪者之意曰借使有宣尼

之博識胥臣之多聞終日日前矜道修義適足以擾我  
真性豈若孤松片雲禪座相對無言而道合至靜而性  
同哉吾將入杼峰與松雲爲偶所著詩式及諸文筆併  
寢而不紀因顧筆硯曰我疲爾役爾困我愚數十年間  
了無所得我將放汝各歸本性貞元初終於山寺有集  
十卷于頔爲之序尋勅爲其文集入于秘閣天下榮之  
畫生平與韋應物盧仝平顏真卿陸鴻漸吳季德李萼  
皇甫曾梁肅崔子問薛逢呂渭楊逵或簪組或布衣與  
之交結必高吟樂道故著儒釋交游傳及內典類聚共

四十卷號歎子十卷時貴流布元和四年太守范傳正  
會稽釋靈徹同過舊院就影堂傷悼彌久遺題曰道安  
已返無何鄉慧遠來過舊草堂余亦當時及門者共吟  
佳句一焚香其遺德爲後賢所慕如此

靈徹

靈徹不知何許人住越溪雲門寺少工筆札文譽遠  
故秘書郎嚴維劉隨州長卿前殿中待御史皇甫曾觀  
面論心皆如繆固分聲唱和名散四陲徹游吳興與  
山畫公一見爲林下之遊互相擊節畫與書包侑中丞



威標棟其警句最佳者歸湘南作如山邊水邊待月明  
暫向人間借路行如今還隔山邊去唯有湖水無行路  
晝云老僧見此欲焚筆研後不測所終

### 道標

道標富陽人姓秦氏七歲時神清氣茂不雜凡童忽有  
異僧手摩其頂曰此孺子目秀如青蓮花得非我釋氏  
之威鳳乎若捨家必有善稱不然乘雲霓蕩天潢吾不  
可得而知也遂出家雪隱山得度隸於天竺護戒嚴謹  
爲時所推毘奈多羅之言罔不該貫經行之外尤鍊詩

章辭體古健比之潘劉當時吳興有清畫會稽有雪嶺  
相與酬唱遞作笙簧故人謠云雪之畫能清秀越之嶺  
洞冰雪杭之標摩雲霄每飛章寓韻竹夕花時彼三上  
人當四面之敵一時名卿韻士無不驅較技簪定交林  
下長慶三年以微疾示滅

宗亮

貫霜樓悟不吟附

宗亮姓馮氏奉化人家傍月山而居時稱月僧住明州  
國寧寺神寂之暇游於藝苑處士方干贈詩云秋水一  
泓常見底澗松千尺不生枝空門學佛知多少剝盡心

花只有師亮恒與沙門貫霜棲悟不吟數十人皆素  
清奇迭爲文會結林下之交撰嶽林寺碑詩集讚頌並  
行於代又爲江東生羅隱所慕而樂安孫郃尤加肯重  
著四明郡才名志序諸儒騷士外獨云釋宗亮多爲文  
士先達所做仰云

高閑

高閑吳興之烏程人。早年受具。苦脩。不情禪坐之暇。兼  
工文筆。尤妙臨池。喜以雲川白紵書真草之蹟。與人爲  
法。論者以智果得右軍之骨。智永得右軍之肉。閑獨骨

肉調勻合二家之美當時以爲一絕後入長安薦福寺  
諫習經律克精講貫會宣宗重興佛法召入對御草書  
遂賜紫衣號爲大德閑性情節操轟然難屈老思歸里  
韓昌黎爲序以送之昌黎以排佛被譏而獨有當於閑  
其爲人可知矣弟子鑒宗亦得閑之筆法亦如二智之  
相踵也

五代

希覺

希覺字順之姓商氏昆陵人出家溫之開元寺稟教子

慧則律師嘗閱則所著集要記解南山鈔不稱所懷遂  
著記廣之曰增暉錄蓋取曹植云螢火末光增暉日月  
謙言增暉要之日月也後則長往乃開講永嘉次居杭  
之大錢寺文穆王造千佛伽藍召爲僧主借紫私署曰  
文光大師覺旣工文筆尤精易理著會釋記二十卷解  
易至上下繫及末文甚備擬江東譙書五卷雜詩賦十  
五卷雜體詩四十章所居號曰釋氏西齋蓋慕吳兢之  
編積編簡云

無作

無作字不用姓司馬氏姑蘇人出家流水寺登年受具  
精研經論兼究孔老書篇無不咀其華腴小有點綴卽  
追作者後游會稽四明樂其山水遂有終焉之志錢武  
肅王高其道風禮請出山略至遽稱疾去以詩抒意云  
雲靈性孤單爭堪名利關銜恩雖入國辭病却還山樂  
安孫郤退居嘯傲不交緇伍惟與作接清談竟日進士  
楊弁亦慕爲林下之遊作善草隸筆跡道健人亦倣之  
述諸色禮懺文數十本注道安六時禮佛文一卷并詩  
歌若干首並行於代作不入尼寺不入公門不脩名刺

不趨時利自號逍遙子

貫休

吳越僧

貫休字德隱俗姓姜氏蘭谿登高人也出家利安寺童侍日誦法華經一千字耳所聽聞不忘於心尋與處默同時削染隣院而居每隔籬論詩互吟尋偶對受其之後詩名聳動乾寧初接詩謂錢武肅王有滿堂花醉三千客一劍霜寒十四州之句武肅欲改十四州爲四十休日州不可添詩亦不可改遂拂衣入蜀僞署禪月大師時韋諷舉其美彥所長者歌吟諷刺隱微存於教

化體調不下。二李白賀也。梁乾化二年，終於所居。世壽八十一。蜀主恽，一皆官塋。塔號白蓮。休善草聖。小筆得六法，尤長於水墨。形似之狀，喜畫羅漢。每畫一尊，必祈夢得應，真貌然後成之。法相奇古，與常體不同。今畫家尤傳。賈休羅漢也。文集若干卷。弟子曇域，序而刻之。域戒學精微，篆文雄健，重集許慎說文，見行於蜀。有詩集。亞師之體。

晉光 從琅智宗附

晉光字登封，姓吳氏。永嘉人。唐史官左庶子兢之裔。歷



也。幼捨家於陶山寺剃度。居必介然。不與恒人交雜。好  
自標邁。慢易細流。多作古調詩。苦僻寡味。得句時有矜  
色。長於草隸。受五指撥銓訣於陸希聲。書體日邁。轉腕  
廻筆。非尋常所知。昭宗嘗召入。對御草書。賜紫方袍。却  
歸故鄉。謁錢武肅王。以客禮延之。而性傲體疎。弗恆王  
情。乃歸甬東終焉。有文集。知音者所貴出。筆法弟子從  
琅。温州僧正智宗皆得其墨訣。有聲於時。

宋

居簡

居簡字敬叟蜀之灌川人姓王氏以其居淨慈北磻之  
日久故時人不名字之咸稱北磻云禪定之餘博通外  
典工詩賦嘗頌世尊初生話云一聲哇地便吒哩突出  
如斯大關提此土西天起殃害堂堂洗土不成泥嘗開  
一室以居名曰離室作賦以自見其畧曰進則面牆退  
則坐井柱忽不支壁忽就殞豁然而虛漠然而罔如蒙  
之擊如震而警又曰如無盡藏如大圓鏡前山送青若  
壯士之排闥後山回闥疑良工之御駿撫鴻鵠而晚眺  
入具具而逮引笑雲烟之輕去漫悠悠而無定駐落日

於西庵延初蟾於東嶺是皆中所得也。有北磻集十九  
卷行世。盱江張城子序之曰。讀其文。宗密未知其伯仲。  
讀其詩。合參參覺。範爲一人。不能當也。北磻於人不苟。  
合合亦不苟。賤去就之際。潔如也。龍泉葉水心。酬以詩。  
曰。簡公詩語特驚人。六反欲爲小兒說。與東家小兒。  
女塗青染綠。未禁春初簡居天。台安洞有二姓爭竹山。  
蜀產不肯已。仙居丞王憚來喝。簡公乃作種竹賦。一  
首示二姓而訟遂止。

仲休

仲休越州人精習天台止觀而禪寂不接人事每以席上自珍篇詠所傳人爭膾炙李文靖公重其人每疏名以請遂得賜紫衣號曰海慧禪師其詩之最傳者陰天衣十峰詠

仲皎

仲皎字如晦居剡之明心寺究心禪學尤好篇章交文儒每把臂入林笑詠終日嘗於寺西星子峰前築白塔結茆其下號閒閒庵宣和間與汝陰王鍾以詩詞相酬荅評者以其韻致不減皎然

智圓

智圓字無外錢塘人姓徐氏八歲出家傳天台三教於奉光源清師嘗歎荆溪沒後微言墜地留意撰述作十疏通經圓蚤勤儒學兼涉老莊自號中庸子居孤山瑪瑙院有高世之節時王文穆罷相牧郡僧悉迎於關外慈雲邀圓偕往圓以疾辭笑謂使者曰爲我致意慈雲錢塘且駐却一僧聞者歎服圓少抱羸疾多杜門獨居惟與處士林逋爲隣友相好以詩文自娛雜著五十一卷題曰閒居編乾興元年二月十七日自作祭文挽辭

越二日示疾。門人奉遺訓。歿院之後山。歛陶器合而瘞之。

道潛

道潛於潛人通內外典。能文章。尤喜爲詩。蘇東坡守杭日。卜智果精舍居之。又爲作參寥泉銘。穎濱稱其詩無一點蔬筍氣體。絕以儲光義非近世詩僧所及。

惠勤

惠勤餘杭人。嘗從歐陽永叔遊三十餘年。永叔稱其人聰明才智。有學問。尤長於詩。蘇東坡有贈錢塘勤上人。

詩序

守璋

守璋姓王氏，鹽官人。天資介特，稟不可犯。七歲，以試經度爲僧，戒行精潔，尤工於詩。號文慧禪師。有柿園集，行於世。紹興二年，高宗幸圓覺寺，因覩其集，親灑宸翰書其晚春一絕云：草深烟景重，林茂夕陽微。不雨花猶落，無風絮自飛。

元

居昱

北窗集

卷之六

詩

北窗集

居昱錢塘人。姓郭氏。七歲叩疑於林逋。書如夙誦。非角  
剽染。誦法華經七日而遍。人稱昱法華。隋文高綜內外  
典。尤長於詩。有松聲和雨聽。山色帶雲看之句。膾炙人  
口。咸以爲有道標之風。

### 本覺

本覺龍泉人。博學能詩文。士大夫多與唱酬。嘗纂輯名  
僧家諸書。成編年。由釋迦至達摩迄宋。凡三教通於佛  
者。靡不載。題曰釋氏通鑑。

明



一覺

一覺字性原，姓曹氏，鄞之慈谿人。祝髮於永明寺，精脩力踐，刺血寫華嚴經八十一卷，善吟咏，有寒泓稿嘗與太子正字桂彥良遊。一日彥良侍太祖文華殿，問在鄉里時與誰遊，以僧覺對，因誦贈覺詩。太祖稱善，翌日賜和御製詩，有草舍半間，雲外月松窻，一榻谷中心之句，仍命監承徐瑛書賜之，俾藏山中，以爲勝事。

太新

復見心附

太新字美隱，南郡人，仕中世，有學行，研窮教典，旁貫百

舉所著有蒲室集元文宗召趙闕特賜三品文階其廷  
來復見心者從訴於中竺亦能詩有名縉紳間洪武初  
後復入京訴公止之曰上苑亦無頻婆果且留殘命喫  
酸梨復不聽後竟坐法論死臨刑而悔且道訴語一上  
命併逮訴將殺之訴曰此故倡臣偶舉之非有他也  
上問出何經訴曰出大藏某錄某函某卷第幾葉命驗  
視果然乃釋之復所著有蒲庵集

如後

如後字性海姓余慈谿人祝髮於定水寺禮復見心爲

師戒行端謹。通內外典。善書能詩。文雅爲士林推重。永樂中。兩膺召命。纂脩內典。嘗住撫州之翠雲。及奉化岳林寺。有翠雲稿。歸老永明。

### 弘道

弘道。蘇之吳江人。幼讀書。日記數千言。見人誦法華經。歷耳便能成誦。宿根所種。慧解日生。遂捨俗出家。貝葉與蒲編並涉。目無不見之書。淹貫既極。蔚爲菁華。下筆作文。新警弘深。居然作者。詩尤清麗。無酸餇氣。洪武十年。有詔徵諸耆儒等。經道與藝。舉中五年。主春官講席。

事領郡都綱。明年遷伯錄司。在書堂所著生隱詩。其卷  
千卷。行於時。

守仁

守仁字一初。富陽人。讀儒書。富才藻。少從楊鐵崖遊。善  
詩歌。善法道。勁骨肉。平分檀長二智。洪武間。受僧錄。有  
善世所著有夢觀集。

德祥

德祥號止庵。仁和人。持戒律。書法擅名。一時有鐵畫銀  
鈎之妙。詩刻苦高處。逼買島所著有桐嶼集。

園詮

園詮字象外、姓楊氏、慈谿人、初依永明寺爲僧、宿性穎敏、博綜東魯西竺之書、善吟咏、有月航集、膾炙人口、嘗作頂相讚曰、坐脫立亡、未爲奇特、吾佛世尊、卧而有側、山僧總不隨他、一旦西方日出。

心泰

心泰上虞孫氏子、幼受具等慈寺、博覽內外二典、工古文辭、下筆數千言、如春江初漲、滾滾東注、時稱爲釋門繡虎、出世東山國慶寺、尋遷雙徑、歸老等慈、年九十六、

無疾坐脫所著有金湯編若干卷

弘闡

弘闡字大猷姓陳氏慈谿人出家於永明精舍恪守戒律卓有僧行博覽古今作詩清麗飄逸不羣有林下風致書法結體精密每臨摹魏晉咄咄逼人甚爲藝林推重

法聚

法聚姓富氏嘉禾人髫年業儒博通經籍稍長出家海鹽之資聖寺戒行清苦妙契密心聞王陽明先生講道

稽山以詩謁之陽明許可遂獲聞良知之旨至金陵參  
夢居禪師於碧峰問如何不落人因續居與一掌聚  
悟後開講天池隨機接引與王公貴蔡公汝楠唐公  
鍾公梁錢公琦董公濬父子共證儒釋大同之旨山陰  
徐文長渭有才名不可一世獨與聚往來於鏡湖之濱  
時時以詩筒唱酬渭嘗令聚代濟法師荅白居易未了  
佛法書又令作首楞嚴昧晦爲空一章解合千有餘言  
據案落筆應手疾書與旨精辭一時俱徹文長爲之飲  
衽所著有玉芝集

斯學

斯學姓丁氏字悅支海鹽人元詩人崔年之後生而任心獨往風期高亮家世奉法遂釋形入道諷明之陳喜爲韻語中歲棄去振錫孤遊東探禹穴北走燕都吐語益奇崛詩名益籍籍公卿間尋復棄去歸舊隱創精舍題之曰道林海名諸名流如沈句章明臣王百谷釋聲黃白仲之壁無不締交悅支每一過道林輒流連忘還卒年四十有五所著有疊華稿錢懋叟蒼叙而刻之行於世